

tus Sancti ad Filium, non aliud possunt significare quam processione ex Filio.

c) Hinc etiam Eunomiani aliquique Ariani obiiciebant et Patres ipsi querunt, si haec omnia non minus vere dicuntur de relatione Spiritus ad Filium, quam de relatione Filii ad Patrem, cur Spiritus Sanctus non sit Filius Filii? Quae quidem vel ipsa quaestio esset absurda, nisi tum haeretici intellexissent tum Patres ratum ac fixam habuissent doctrinam catholicam eo sensu, quod Filius est principium Spiritus Sancti. Id Patres in sua responsione quoque manifestissimum reddunt; neque enim respondent negando suppositum, quod scilicet Filius sit principium Spiritus Sancti; sed immo inculcant, rationem cur Filius Filii non sit, non utique esse ex defectu processionis, « non quod Spiritus non sit ex Deo per Filium, tamquam Verbum Fili et imago Fili » Basil: supra p. 471. ; « non genitus, non nomine Filii appellatus, sed tamen ex eadem essentia Patris ac Filii Spiritus Sanctus » Epiphanius. Ancor. n. 7. 8.; « Spiritus Sanctus ex Patre per Filium, non tamen filiationis modo » Damase. ep. ad Iordan. n. 28 (cf. Athanas. ad Serap. I. n. 25.; Gregor. Naz. or. 31. al. 37. n. 7-9): verum huius rei vel nullam aliam rationem dandam esse aiunt, quam quod in Scriptura et universa revelatione procedens Spiritus non dicitur Filius; vel dant rationem, quia non ab uno sed a duobus procedit, Filius autem duorum ne in humanis quidem datur (ut plerunque disputat Augustinus); vel generatim dicunt, quia praeter generationem exstat alias modus processionis, et quia hoc alio non autem modo filiationis procedit Spiritus, ideo non esse nee dici Filium Filii ll. cc.

THESES XXXVIII.

*De sensu ac modo, quo in oppositione adversus Pneumatomachos explicitè declarata est Spiritus Sancti processio a Patre.*

« Quando Ariani et Semiariani Pneumatomachi affirmabant, Spiritum Sanctum non procedere a Patre per communicationem essentiae divinae, sed esse creaturam productam a Filio aut per Filium, 1<sup>o</sup> sanctis Ecclesiarum Doctoribus sive seorsum singulis sive in Conciliis directe declaranda erat processio a Patre atque neganda ea, quam haeretici inducebant, productio per Filium; que utroque capite demonstrato non solam non negant processionem a Filio sicut a Patre per communicationem divinae naturae, sed hanc processionem a Filio assumunt velut sectariorum ab adversariis quoque concedendum. Quare 2<sup>o</sup> etiam videtur doctrina Theodori Mopsuesteni et Theodoreti quod hoc caput sensu catholicō explicanda, ubi in oppositione contra sensum Macedonianum negant, *Spiritus Sanctum a Filio vel per Filium existentiam habere.* »

I. Aliquamdiu post Concilium Nicaenum a factione Ariorum expresse negantum divinitatem Filii multi discesserunt, quin tamen fidem catholicam in Concilio definitam amplecti vellent, qui Filium aiebant se confiteri verum Deum, substantia similem Patri (*όμοιον*); consubstantialem (*όμοιον*) tamen Patri appellare recusabant. Ex his Semiarianis orti sunt Pneumatomachi a suo duce etiam Macedoniani appellati, qui explicitam et directam impugnationem mysterii SS. Trinitatis transtulerunt ad doctrinam de Spiritu Sancto. Filium concedebant esse ex Patre genitum et ideo esse Deum de Deo; Spiritum Sanctum negabant esse ex Patre processione substantiali, et ideo negabant esse Deum; sed principium Spiritus Sancti docebant esse Filium productione creatrice. Sim ambagibus hanc sententiam iam proposuerat Eusebius. « Solus quidem ipse unus Deus et Pater Domini Nostri Iesu Christi dici queat; Filius vero unigenitus Deus, qui est in sinu Patris; Paracletus autem Spiritus neque Deus neque Filius, quoniam non aquae ac Filius ex Patre genesis accepit; sed est unum aliquid eorum quae per Filium facta sunt, quoniam omnia per ipsum facta sunt et sine ipso factum est nihil » De

eccles. theol. l. III. c. 6. Hanc ipsam haeresim incusant Athanasius, Basilius, Gregorius Nyss. et Nazianzenus certique PP. saeculi IV. et V. « Fidem Nicaeae a Patribus definitam simulant se profiteri, re autem vera eam negant pervertentes tesseram consubstantialis ( $\tauο\ \deltaιοντων$ ), et iudicem blasphemantes in Spiritum Sanctum, dum dicunt, eum creaturem esse et rem factam per Filium productam » ( $και\ ποιητης\ δια\ του\ νιου\ γεγενηθει$ ) Athan. ad Iovin. Imp. n. 1. Eadem utique de Spiritu Sancto erat sententia ipsorum Ariannorum eo solum discrimine, quod apertis verbis dixerunt « ingeniti creaturam Filium, unigeniti vero Paracletum » (Eunomius apud Basil. l. II. n. 33). Eunomio respondet Basilius inter cetera: « nulla virtus ( $\epsilon\nu\pi\gamma\tauιz$ ) Filii divisa est a Patre, nec quidquam realitatis inest Filio, quod sit alienum a Patre; omnia enim, ait ipsemet, mea tua sunt et tua mea sunt; quomodo ergo (Eunomius) causam Spiritus unigenito soli attribuit? » ib. n. 24. Vide Ambros. de Spir. Sanct. l. I. c. 2; Damasum Pontif. ep. ad Paulin. n. 3. ed. Constant. p. 511. 518; Philast. haeres. 67. 68.

In hac doctrina haereticorum tria distingui possunt. Nimirum a) Spiritus Sanctus non est ex Patre, et ideo non est Deus; b) Spiritus Sanctus est a Filio seu, quod pro eodem habent, est per Filium; c) est a Filio per creationem. Primum caput haereticorum directe et praecipue intendebant; alterum assumebant velut clarum ex Scripturis et ab ipsis Catholicis admissum; sed ut congrueret haeresi, sensu deterto intelligebant de processione Spiritus a Filio per creationem, quod dicimus tertium caput haereseos. Propriæ rationi errorum accommodandus erat oppositus modus expositionis et defensionis fidei catholicae. Quod primum et praecipue spectabant Patres in illa controversia, erat demonstratio deitatis Spiritus Sancti, et ideo demonstratio processionis ex substantia Patris. Alterum caput, quod Spiritus est a Filio, ss. Doctores numquam simpli- citer negabant; sed immo ex communi hoc principio inferebant, Spiritum quia est ex Filio, esse etiam ex Patre. At sensus, quo catholici Doctores et quo haeretici intelligebant processionem a Filio, diversissimus est. Catholici

in fide divinitatis Spiritus Sancti videbant, processionem a Filio esse non per creationem sed ex substantia Filii, et hanc processionem intelligebant esse aequa ex Patris ac Filii substantia, quae una est; haeretici contra in negatione processionis a Patre excludebant processionem ex substantia Filii, et includebant processionem a Filio per creationem.

Hunc igitur dicimus, ad praesens quod adtinet, fuisse statum questionis et modum disputandi contra Pneumatophagos. SS. Patres processionem Spiritus Sancti a Filio (in significatiōne generica, quod Spiritus est a Filio) semper assertur at dogma et principium commune utrique parti (cf. Bessarion. orat. dogm. Harl. Concil. T. IX. p. 343). Inde vero ad expositionem fidei catholicae et confutationem duplicitis erroris, quo haeretici docebant Spiritum non esse ex Patre, et esse a Filio per creationem, ss. Doctores progradientur tribus modis.

1º. Ex communi principio, quod Spiritus procedit a Filio, inferunt et demonstrant, necessario etiam procedere a Patre, tum ex insito ordine relationum, quia Filius ipse est a Patre, tum ex disserta doctrina Scripturae, quia sicut dicitur Spiritus Filii ita dicitur Spiritus Patris et Spiritus Dei. Haec argumentatio ubivis obvia est apud Patres in illa controversia praecipuos defensores doctrinae catholicae, Athanasium, Basilium, Nyssenam, Cyrillum. Ne testimonia coacervemus, revocentur in memoriam solum ea, quae citavimus in superioribus thesibus. « Patris est Spiritus, qui dictus est Filii, siquidem ipse Filius ait: Spiritus veritatis (i.e. Filii iuxta Athanasium et multos alios Patres), qui a Patre procedit » Athan. ad Serap. ep. 3. n. 1. « Ex Patre procedere dicitur, quia a Verbo quod ex Patre esse conceditur, effulget » id. ad Serap. ep. 1. n. 20. « Dei quidem Verbum Filius est, Verbum autem Filii Spiritus... et cum Verbum sit Filii, proinde Dei (Patris) est » Basil. contra Eunom. V. pag. 304. « Spiritus Sanctus et ex Patre dicitur, et ex Filio esse attestacione confirmatur; si quis enim Spiritus Christi non habet, hic non est eius: igitur Spiritus ex Deo et Dei Spiritus est » Greg. Nyss. serm. III.

in or. domin. « Sicut proprius est Filii Spiritus, naturaliter et in ipso existens et per ipsum procedens, ita et Patris » Cyril. in Io. p. 910. etc. Porro ut convincant, modum processionis esse per communicationem naturae non per creationem, assumunt praeter processionem Spiritus a Filio principium aliud a Semiarrianis concessum, quod Filius procedit a Patre non per creationem, sed ut Deus de Deo. Hoc posito ostendunt ex Scripturis, ordinem Spiritus ad Filium esse eundem qui est Filii ad Patrem, et proinde processionem Spiritus a Filio esse per communicationem naturae; si ergo adversarii confitentur vere Filium esse Deum, Deum etiam fateantur Spiritum Sanctum. Ita Athanas. ep. I. ad Serap. et Basilius I. V. contr. Eunom. (1) et alibi.

In toto hoc disputandi modo Patribus solemni duo animadvertisca sunt maxime opportuna, si quid schismatistarum ingenio intolerabiliter sophistico mederi posset. Primum, quod haeretici supponunt et Patres assumunt ut principium commune et certum penes omnes Christianos, est processio personae Spiritus Sancti a Filio, h. e. quod ipsa persona Spiritus a Filio existentiam et esse habet; non autem agitur de donis, de missione, de effectibus Spiritus Sancti ad extra, quae dicantur esse etiam a Filio. Neque dicitur processio etiam a Filio vel ex substantia Filii eo solum sensu, quod (ut schismatici absurdissime dicunt) Spiritus est Filio consubstantialis; hanc enim consubstantialitatem Pneumatomachi negant, Catholici vero ex processione substantiali tamquam ex ratione et causa consubstantialitatem demonstrant, eodem modo quo ex generatione Filii demonstrant eum esse *όμοοντα* Patri. Alterum animadversione dignissimum est, quod in hac diuturna et gravissima pugna pro fide catholica contra Pneumatomachos processio Spiritus Sancti a Filio assumebatur a Patribus

(1) Ex hoc modo argumentandi aliqui in dubium vocare cooperant, utrum duo libri postremi IV. et V. contra Eunom. sint genuini foetus Basili. At Maranu rete monet, hac disputandi ratione non aliud convinci, quam quod Basilius hos libros addidit appendicis instar, in qua praeter Eunomium invalescentes tunc Pneumatomachos Semiarrianos praeceulis habuit (Op. s. Basili T. III. in Vita c. 43. n. 7.).

ut notissima nec indigne demonstratione polemica, quamvis ad abundantiam eam soleant confirmare et illustrare ex locis s. Scripturae. Directe enim demonstrare intendunt processionem a Patre et inde divinitatem Spiritus Sancti, atque ad hanc demonstrationem assumunt processionem Spiritus a Filio ut principium notius et sensu generico concessum ab ipsis adversariis.

2°. Modus alter disputandi is est, ut PP. data quidem opero demonstrent processionem Spiritus Sancti a Patre, de qua directe erat quaestio, simul vero velut inclusam et ex illa facile intelligandam coniungant processionem a Filio. Ad argumentum haereticorum, quod Spiritus Sanctus vel est Filius Dei vel creatura, responsionem audivimus s. Basili. « Cur Spiritus non dicatur Filius Filii? Non quod non sit ex Deo per Filium, sed ne Trinitas putetur multitudine infinita (in qua sint Filii ex Filiiis).... Propterea ex Deo esse Apostolus aperte quidem praedicavit, quoniam Spiritum qui ex Deo est, accepimus; et quod per Filium effulsit, manifestum reddidit, *Spiritu Filii ipsum nominando sicut et Dei, et appellando mentem Christi sicut Spiritum Dei* » Basil. contr. Eunom. V. p. 305. « Quandoquidem Spiritus Sanctus procedit ex Patre et Filio, manifestum est, ipsum *dicinæ esse essentialiæ, essentialiter in ipsa et ex ipsa procedentem* » Cyril. Thesaur. p. 345. Sed huc adferri possent testimonia fere omnia citata, ubi expressam Patrum doctrinam proposuimus.

3°. In eo quem diximus statu quaestio, praesertim quando scopus Ecclesiae erat non argumentando confutare sed solum directa oppositione doctrinae catholicæ errores authentice condemnare, ut in symbolis et definitionibus Conciliorum, nihil opus erat explicita declaratione processionis a Filio; sed immo directa oppositio postulabat solummodo professionem duplicitis capitibus negati a Pneumatomachis: professionem videlicet processionis ex Patre, et divinitatis Spiritus Sancti. Ita Concilium oecumenicum II. anno 381. adversus Pneumatomachos celebratum professionem symboli Nicaeni « credimus...et in Spiritum Sanctum, » declaravit hac altera formula directe opposita duplice illi errori: « credimus in

Spiritu Sanctum, Dominum et vivificantem, qui ex Patre procedit, qui cum Patre et Filio simul adoratur et conglorificatur, qui locutus est per Prophetas, vel retenta constructione graeca, ut veritatem Dionysius Exiguus: « credimus... et in Spiritum Sanctum, Dominum et vivificantem, ex Patre procedentem, cum Patre et Filio adorandum et glorificandum, qui locutus est per sanctos Prophetas » (1).

Patres itaque in hoc symbolo contra primum caput haereticorum, quod Spiritus Sanctus non procedit ex Patre, explicite definiti dogma: « qui ex Patre procedit. » Duplice alteri capiti, quod Spiritus procedit a Filio et procedit creatus, solum opponunt professionem divinitatis: « in Spiritum Sanctum Dominum, vivificantem, qui cum Patre et Filio simul adoratur; » hoc ipso ergo partem alteram, processionem inquam a Filio, cui nihil contrarium statuant, suscipiunt ut verissimam, dummodo intelligatur processio quae Deum dicit (*Ιεροπεπτως*), ut loquitur s. Cyrillus (in Ioan. p. 929). Res est manifesta, si adtendatur ad indolem haereseos, cui symbolum opponitur. Eam descripsi-

(1) Πατέρου... και ἐξ τοῦ πνεύματος τοῦ ἀγίου, τοῦ κυρίου τοῦ Χριστοῦ τοῦ τοῦ πατρὸς ἐκπρεπούμενον, τοῦ πατρὶ καὶ μόνῳ αὐτοπροσωπουμένον καὶ αὐθεντούμενον, τοῦ λαλῆσαν διὰ τοὺς πρόφητας.

Symbolum Constantinopolitanum iam aliquando ante hoc Concilium in Ecclesia catholica in uso fuisse, adeoque a Patribus Concilii non compositum, sed susceptum et approbatum esse, ex s. Epiphanius (Anecd. n. 119. T. II. p. 122. 123.) constare vistum est viris doctis Petavio (Incar. l. XII. c. 18. n. 10), Tillementio, Hahnio (Bibl. symb. p. 57), el. Hefeli (Hist. Cone. Tom. II. p. 10). Sane Epiphanius l. c. omnino idem symbolum (nisi quod dubios locis addita sunt explicationes causa aliquot verba) recitat velut receptum in s. Dei Ecclesie ut catechumenis tradendum. Ancoratum vero Epiphanius se scriptissime testatur (n. 60. 121) anno X. Valentiniiani et Valent. VI. Gratiani, XC. post tyrannum Diocletianum h. e. anno 373. vel 374., saltet septennio ante Concilium Constantinopolitanum oecumenicum II. Sed ego nondum video, cur istam appendicem symbolorum Epiphanius superstes usque ad annum 403. non poterit Ancorato addere post Concilium Constantinopolitanum; nam computatio temporis altera quam instituit n. 121, facile intelligi potest de tempore insurgentium haereseon non de tempore, quo edita sint duo symbola, quae recitat unum identicum cum Constantinopolitano, alterum paulo prolixius. Quod vero nuper symbolum Concilio CP. suppositum et suprium esse commenti sunt, absurdum est ita, ut illud commemorasse sufficiat.

mus paulo ante ex Patrum testimonio, eodemque modo declarat Patriarcha Ioannes Beccus. Interrogatio erat schismaticorum: « cur ss. Patres II. Concilii sacrum symbolum Nicaenum explicantes, divinitatem quidem Spiritus Sancti expresse posuerunt; de processione vero eius dixerunt consona Evangelio: qui ex Patre procedit; et non addiderunt etiam illud ex Filio? » Respondet Beccus post alia plura: « verissima causa, cur ss. Patres in processione Spiritus Sancti non addiderunt Filium, illa est, quod quidem haereticci (illi ipsi quippe, contra quos symbolum opponitur) aiebant et sentiebant, Spiritum Sanctum ex solo Filio procedere. (Hunc sensum haereticorum probat deinde Beccus ex testimonio s. Basili et Iustini Episcopi Sicilie). Igitur haereticci asserabant Spiritum ex Filio et non ex Patre. Sancti vero id, quod negabant haereticci, explicite praedicarunt in symbolo, dicentes: qui ex Patre procedit; nam procedere ex Filio, haereticci concedebant, nec erat in hoc cum ipsis controversia » (Becc. in dictis SS. inter opusc. aurea p. 155. sqq.).

Ceterum in professione processionis ex Patre intellectam fuisse processionem simul ex Filio, ut Pater et Filius spiratione unum sunt, satis constat ex doctrina et testimonio Patrum, quae adduximus. Immo discimus ex Epiphanius, ipsi symbolo Constantinopolitano uberiorem explanationem in multis Ecclesiis orientis addi consuevisse, in qua explicita mentio fieret, quod Spiritus Sanctus sicut procedit ex Patre, ita credendus sit etiam esse ex Filio. Post expositam enim symboli formulam, quam eandem esse diximus cum Constantinopolitana, Epiphanius adfert aliam paulo explicatiorem (cf. Tract. de Incarnatione th. XVII.), de qua ita loquitur, « Vos (in Ecclesia Suedrorum Pamphiliae) et nos et omnes orthodoxi Episcopi et summatis tota sancta Ecclesia catholica adversus ingruentes haereses consentanee cum fide illorum ss. Patrum (Nicaenos intelligit) paulo ante exposita, ita iniungimus praesertim ad sanctum lavacrum accedentibus, ut profiteantur et dicant: Credimus in unum Deum » etc. In hoc iam symbolo professio Constantinopolitana de Spiritu Sancto ita declaratur: « et in

Spiritu Sanctum credimus, qui locutus est in lege, et praedicavit in prophetis, et descendit ad Iordanem, loquitur in Apostolis, habitat in Sanctis. Ita vero in ipsum credimus, quod scilicet est Spiritus Sanctus, Spiritus Dei, Spiritus perfectus, Spiritus Paracletus, increatus, qui ex Patre procedit, et accipit atque esse creditur ex Filio.<sup>(1)</sup> Ancorat. n. 121. p. 124. Quo sensu Spiritus dicatur accipere ex Filio iuxta Io. XVI. 14. 15. declarat alterum incisum: ex Filio esse creditur ἐξ τοῦ οὐρανού πατερουμένον. Hic igitur in symbolo quod saec. IV. in orienti institutione catechumenorum et confirmationi fidelium adversus artes haereticorum destinatum erat et in multis Ecclesiis usurpatum, habemus expressam declarationem: Spiritus procedit ex Patre, et ex Filio esse creditur fide revelata et ab omnibus profunda. Insuper professio haec est in symbolo, quod exhibetur velut anterior et sine controversiis recepta explanatio formulae simplicioris: qui ex Patre procedit; in hac ergo ipsa tam Pastores quam fideles processionem ex Filio non exclusam sed inclusam intelligebant et diserte profitebantur.

II. Exposita iam inde controversiae et secundum hanc considerato modo disputandi ss. Patrum adversus Pneumatomachos, locutus hic proprius esse videtur examinandi, utrum et quo sensu aetate vigentis illius haereseos scriptores aliqui ecclesiastici negaverint, Spiritum Sanctum procedere aut esse ex Filio. Usque ad VIII. saeculum nullum est vestigium talis negotiationis in monumento aliquo, quod non aliunde tam a Photianis quam a Catholicis haberri debeat pro haeretico vel suspecto. Nominantur tamen qui primi negaverint processionem a Filio, Theodorus Mopsuestenus huisque discipuli Nestorius et Theodoretus, quando hic contra s. Cyrillum, causee Nestorii patrocinabatur. Possemus sane sine dispendo haec prima initia hosque natales haeresi Photianae concedere; neque enim auctoritate homi-

(1) Όυτως δε πατερουμένον ἐν κόπῳ, ὅτι ἔστι πνεῦμα ἀγον, πνεῦμα Θεοῦ... ἐξ τοῦ πάτρος ἀπόπεμψεν, καὶ ἐξ τοῦ οὐρανού λαβάνοντον καὶ πατερουμένον. Illud ἐξ τοῦ οὐρανού λαβάνοντα (al. λαμβάνοντα quod conficio corruptum pro λαμβάνον τε) est ex Io. XVI. 14. 15. ἐξ τοῦ οὐρανού λαμβάνει... ἐξ τοῦ λαμβάνει (cf. th. XXXII.).

num, quorum vel nomina ipsa vel saltem scripta totius Ecclesiae anathemata infamata sunt, neque ex silentio Ecclesiae cum primum talis negotio audita est, infirmabitur umquam communis sensus et consensus, qui tum illo ipso tempore tum antecedente ac subsequente aetate ex universo modo loquendi et disputandi ss. Patrum de relatione Spiritus Sancti ad Filium sicut ad Patrem manifestissime constat. Silentium Ecclesiae in hypothesi qua loquimur, ad hoc unum revocaretur, quod dum tota attentio et contentio Patrum et Conciliorum unice dirigebatur ad proscribendam haeresim negantem Verbi incarnationem et unitatem hypostaticam Dei hominis, obiter injectus error in alio omnino dogmate, de quo nulla adhuc audiit fuerat controversia et ideo nulla specialis instituta inquisitio, tunc a Patribus transmissus esset sine directa oppugnatione et explicita damnatione, ne attentio ab obiecto principe, quod adversarii maxime voluerint, ad aliud diverteretur. Non igitur necessitas aliqua ad defensionem catholicae doctrinae seu ratio dogmatica, sed eruenda veritas in historia dogmatum seu potius haereseon nos inducit ad examinandum sensum, quo tres illi seu potius duo scriptores saeculi V. negaverint, Spiritum Sanctum procedere ex Filio seu per Filium. Quoniam tamen viri gravissimi iique multi omnino opinantur, Theodorum et conquerenter Nestorium ac Theodoretum (saltem quamdiu Nestorii favebat) praeformasse istam haeresim, quam deinde Photius in sua factione diffudit et obfirmavit, omnia quae in hac parte historiae theologicae dicturi sumus, per modum questionis examini ac arbitrio lectorum subiecta volumus.

1<sup>o</sup> Theodori et Nestorii (1) fuisse hanc sententiam, non

(1) Quando Cyrillus ad demonstrandam unitatem hypostaseos Christi Dei hominis Nestorio opposit anathematismum IX., quod « unus est Dominus Noster Iesus Christus... et proprius eius Spiritus Sanctus, per quem sigma operans est, » Nestorius non negabat Spiritum Sanctum proprium Dei Verbi, sed pro sua haeresi dividente Christum in duas personas, Deum et hominem seorsum, negavit Spiritum Sanctum proprium Iesu hominis per se subsistentis: « per Spiritus Sancti mediationem, inquit, habuit eam, quae est ad Deum Verbum ab ipsa con-

aliunde eruitur quam ex symbolo, quod a Charisio presbytero delatum ad Concilium Ephesinum ab hoc ipso et ab aliis deinceps Conciliis ac Patribus damnatum est nominati ob haeresim Nestorianam de Verbi incarnatione in eo comprehensam. Professio ista Theodorum habuit auctorem, a Nestorio vero eiusque sectatoribus usurpabatur ad suam haeresim propagandam, de qua re satis diximus in Tract. de Incarnat. th. XXIV.

Porro in prima parte symboli, quae agens de Trinitate ad quaestione praesentem pertinet, contextus ita habet. Primum brevis est expositus fidei de Patre et Filio omnino orthodoxa; tum sequitur multo prolixior et manifesto polemica declaratio de Spiritu Sancto in hunc modum. « Et in Spiritum Sanctum (credimus), qui est ex Dei substantia, non tamen est Filius; est vero Deus existens essentia, ut pote qui est eiusdem essentiae, cuius est Deus et Pater, ex quo secundum essentiam est; nos enim, inquit (Apostolus), non spiritum mundi accepimus sed Spiritum qui ex Deo est, separans (Apostolus) illum ab universa creatura, Deoque coniungens, ex quo secundum essentiam est peculiaris sibi ratione et diversa ab omnibus creaturis, quas non secundum essentiam sed causalitate creationis ex Deo esse credimus; et neque Filium eum credimus, neque per Filium existentiam accepisse (1). Profitemur autem Patrem perfectum persona, et Filium similiter, parique modo Spiritum Sanctum (2), retentia doctrina pietatis, ut Patrem et Filiumceptione coniunctionem (forma servi per se subsistens, vid. Tract. de Incarnat. th. XXI.), per quam (mediationem) curationes exercuit, et ex qua fugandorum spiritum evanesceret esse potestatem. » Hoc est totum quod in suo anathematismo IX. haereticus opposit illi doctrinas Cyclili (Marii Mercatoris Opp. T. II. p. 121).

(1) Καὶ ἐν τῷ πνεύμα δὲ τὸ ἄριον, ἐκ τη̄ θεοῦ τυγχάνον οὐσίας, οὐδὲν, θεον δὲ οὐται τῇ οὐσίᾳ, οὐδὲ τὴν ὅπῃ τῆς οὐσίας, ὑπέρ τοιν δὲ θεον καὶ πάτρον, εἰδούσας κατ' οὐσίαν ἔστιν ἡρας γαρ, φησαν, διὸ τὸ πνεύμα θεώρου τοι κορυφὴν ἀλλὰ τὸ πνεύμα τὸ δὲ θεον, τη̄ μετ' οὐσίων απογορεύεται ἀπέστη, θεον δὲ συναθα; εἰδούσας κατ' οὐσίαν ἔστιν θεόνωντι λόγῳ παραπέμψαν τη̄ κτισιν, τὸ δὲ κατ' οὐσίαν ἀλλὰ αὐτὴν ὅμοιοργητας διὸ θεον νομίζεται εἶναι θεός διὰ θεον τη̄ ὑπάρχειν εἰλέντος.

(2) Nulla hic causa suspicandi Sabellianismum cum auctore libri a Facundo Harm. impugnati (vide Facund. l. III. c. 5.)

pariterque Spiritum Sanctum non tres aliquas differentes essentias credamus, sed unam identitatem deitatis agnoscendam» (Cone. Mansi T. IV. p. 1348).

In hac expositione nemo non videt, auctorem symboli ob oculos habuisse et directe oppugnare doctrinam Pneumatomachorum illius aetas. Negabant illi, ut paulo ante ostendimus, processionem Spiritus Sancti ex Patre, et ideo simul negabant eius divinitatem; hoc ergo caput utrumque sicut ss. Patres vindicaverant, ita et Theodorus in primis proponit et maxime urget. Immo ne de scopo symboli in hac parte dubium ullum supersit, evidenter in eo spectatur ipse proprius ac peculiaris modus argumentandi Pneumatomachorum. Vidimus hunc modum peculiaris sophismatis a s. Basilio descriptum. Spiritus Sanctus, aiebant, si est ex substantia Dei, eo ipso est Filius; si vero, ut ipsi Catholici fatentur, non est Filius, remanet ut sit creatura. Huic ipsi dilemmati symbolum, de quo agimus, opponit doctrinam catholicam sententias et paene verbis iisdem, quibus Basilius contra Eunom. l. V. l. c. Gregorius Naz. or. 31. (al. 37.) n. 7-11, aliquid usi sunt. Alterum modum peculiarem argumentandi, cui Origenes occasionem praebuit (supra p. 489), deducebant illi haereticici ex verbis Io. I. 3: « omnia per ipsum facta sunt», inter quae omnia comprehensum aiebant etiam Spiritum Sanctum. Ita referunt Basilius contra Eunom. V. p. 308., Ambrosius, Philastrius, Damasus locis citatis initio huius theses. Exemplum huius argumentationis habes penes Eusebium loco, quem ibidem citavimus. Spiritus Sanctum itaque, dicebant, sicut cetera omnia creata a Filio et per Filium existentiam accepisse. Iam vero qui huic propositioni simpliciter contradictionem statuit: Spiritus Sanctus non accepit existentiam per Filium; is non iam universum negat processionem Spiritus ex Filio, sed solum negat acceptiōnem existentiae in sensu adversariorum, h. e. productionem per creationem. Cum igitur haec prima pars symboli, maxime vero professio de Spiritu Sancto ex tota sua conformatioне et ex peculiari modo enuntiationum evidenter spectet haeresim Eunomianam et Semiarrianam, eique directe opponatur; nulla est ratio, cur in-

cisum hoc ultimum aliter intelligatur quam ut contradictorium haeresi, contra quam dirigitur; adeoque ut negans existentiae conceptionem modo, quo Pneumatomachi eam affirmabant, non autem illo sensu quo Patres omnes huius aetatis in eadem hac controversia contra haereticos processionem Spiritus Sancti a Filio supponebant et dissertissime docebant. Non sine ratione igitur Emmanuel Calecas (Bibl. Max. PP. T. XXVI. p. 409.) in hoc capite de Spiritu Sancto orthodoxum censuit istud symbolum, cuius ipse auctorem Nestorius putavit; nec nisi neglecto statu quaestio-  
nis et modo disputandi contra Pneumatomachos sace. IV. et V. Patribus communissimo Garnerius potuit Calecae interpretationem dicere violentam (Opp. Marii Mercatoris T. II. p. 256.)

Theodorum, quem alibi (in Tract. de Incarnat. th. XXIV.) certissime huius symboli auctorem esse demonstravimus, in doctrina de processione Spiritus Sancti a Filio orthodoxum fuisse, nunc post edita eius commentaria in epp. Pauli liquido constare sentit et contendit Card. Mai, quamvis ipse symbolum de quo agimus, in hac ipsa doctrina censeat haereticum esse et ideo Theodoro ab iudicandum (Card. Mai Spicileg. Roman. T. IV. p. 525.). Ad Rem. VIII. 11. ita commentatur Theodorus. « Si quis Spiritum Christi non habet, hic non est eius.... quod si Spiritus eius qui suscitavit Iesum a mortuis, habitat in vobis... Prius dicens (Apostolus) Spiritum Christi, rursus dicit: Spiritus suscitans Christum habitat in vobis, progredivi a Christo ad Patrem, non aliud quam hoc manifeste docens, quod ex Filio etiam Spiritus non alienus a paterna deitate est (1); et quibus (Filio et Spiritui Filii) una est virtus, his omnino etiam essentia cum Patre coeterna est. Congruenter enim vero ait, inhabitante Spiritu Sancto et mortificato peccato proposita esse certantibus praemia, quorum primum et maximum fuerit resurrectio a mortuis. » Non quidem affirmo,

(1) Προστέλλει πνεύμα Χριστού, πάλιν φέρει το πνεύμα του ἐγνωστος Χριστού σκειτεὶ δὲ οὐδινός, ἀναγγέλλει τὸν Χριστὸν ἐπὶ τοῦ πατέρα, οὐδὲ ἔτερον ἄλλον ἡ σχέση διδάσκεται, διτὶ ἐπὶ τοῦ πατέρα καὶ το πνεύμα οὐδὲ ἔλλοτε τῆς πατρίκης θεοτητος ἔσται. Hoc eodem modo vidimus superius (p. 553. 554), etiam ss. Patres illius aetatis assumere processionem a Filio ut argumentum, quo demonstrent contra Pneumatomachos processionem a Patre et divinitatem Spiritus Sancti. Merito itaque Card. Mai ex hoc loco potuit inferre consensum Theodori cum Patribus pugnantibus adversus Pneumatomachos. Non tamen dissimulo, ab hac sive Emi Maii sive nostra interpretatione dissentire alios, inter quos est Em. Card. Hergenrother (*Photius* T. I. p. 687).

his verbis immediate et diserte enuntiari: *ex Filio est Spiritus*, quamvis Eminentissimus editor ita locum intellexisse videatur, cum hanc subiicit notam: « animadverte testimonium satis, ut spero, evidens de processione Spiritus Sancti a Filio, praesertim si conferatur aliud Nysseni a me editum Script. Vet. T. VII. p. 6. » Sed ad confutandos Pneumatomachos, quorum doctrinam ex superioribus novimus, ita argumentatur Theodorus: Paulus docet, Spiritum Filii hoc ipso, quod est Filii, esse etiam Spiritum Patris (*progredivi a Christo ad Patrem*). At Spiritus est Filii, quia est a Filio, ut concedunt et contendunt Pneumatomachi; est autem a Filio ita, ut sit *una virtus*, et proinde *una essentia*, quod probatur quia Spiritus inhabitat iustis, et est causa remissionis peccati et gloriose resurrectionis. Iam vero Paulus docet, eodem modo esse *Spiritus Patris*, quo est *Spiritus Filii*. Ergo siue est Filii, quia est a Filio in unitate virtutis et essentiae, ita est a Patre in unitate virtutis et essentiae, cum aliquo in concedentibus adversariis Pneumatomachis una sit virtus et essentia Patris ac Filii. Ignoti spectata doctrina, quam Theodorus impugnat, sensus verborum: « Paulus manifesto docet, quod ex Filio etiam Spiritus non est alienus a deitate paterna, » ultimatum revocatur ad hunc: *ex Filio qui non est alienus a deitate paterna et cuius est Spiritus, habet Spiritus, ut etiam ipse non sit alienus a deitate paterna*, διτὶ ἐπὶ τοῦ πατέρα καὶ το πνεύμα οὐδὲ ἔλλοτε τῆς πατρίκης θεοτητος ἔσται. Hoc eodem modo vidimus superius (p. 553. 554), etiam ss. Patres illius aetatis assumere processionem a Filio ut argumentum, quo demonstrent contra Pneumatomachos processionem a Patre et divinitatem Spiritus Sancti. Merito itaque Card. Mai ex hoc loco potuit inferre consensum Theodori cum Patribus pugnantibus adversus Pneumatomachos. Non tamen dissimulo, ab hac sive Emi Maii sive nostra interpretatione dissentire alios, inter quos est Em. Card. Hergenrother (*Photius* T. I. p. 687).

2'. In eundem sensum intelligi posse videtur Theodorus. Locus qui proferri solet, ut ostendatur, processionem Spiritus Sancti ex Filio simpliciter a Theodoreto fuisse

negatam, exstat in eius oppugnatione anathematum Cyrrili ad anath. IX. Cum s. Cyrillus ibi dixisset, Spiritum Sanctum esse *Spiritum proprium Iesu Christi*, Theodore-tus, sane inique et sophistice agens in tota illa impugna-tione, suspicionem iniecit, utrum Cyrillus forte sensu Ma-tiedoniano Spiritum dixerit *proprium Filii*, quod scilicet non a Patre sed a Filio tantummodo esset, idque ita, ut non esset eiusdem essentiae cum Patre et Filio. Indicat hanc suam iniquissimam opinionem seu potius calumniam Theodo-reetus ipsem in ep. ad monasteria contra Cyrrillum (quae recitata est in synodo V. Act. V.), ubi agens de illo ana-thematismo IX. Cyrrili ait: « blasphemat vero et Sanctum Spiritum, non ex Patre ipsum procedere dicens secun-dum Domini vocem, sed ex Filio esse; iste *Apollinaris seminum fructus est* (1), appropinquat vero *Macedonii malignae culturae* » Anctuar. Garnerii Opp. Theodoreti T. V. p. 62. Hac iam suspicione praestructa anathematismus IX. ita impugnat: « siquidem Spiritum proprium Filii ut eius-dem cum eo naturae et ex Patre procedentem dixit, simus confitebimus et tamquam piam suscipiemus vocem; si vero, tamquam ex Filio aut per Filium existentiam habeat (2),

(1) In doctrina de incarnatione saepe Nestorius et eius factores Cyrril acce-sabant Apollinarianae haereses, quasi negasset duas Christi naturas; hic vero videtur Theodore-tus indicare errorum Apollinaris de Spiritu Sancto, et in eiusdem suspicionem vocare Cyrrillum. Apol-linarinus diversi temporibus diversa docuit; ad rem praesentem memorat Gregor. Naz. [ep. 1. ad Cledon. T. II. n. 92.] eins librum, in quo « ex magno, maiori et maximo Trinitatem constitutus quasi splendore, radio, et sole; Spiritu Sancto, Filio et Patre. » Quae quidem coincident cum haeresi Ariana, Theodore-tus ipse narrat (Hist. Ecel. I. V. c. 3.): « Apollinarius Laodicenus de divina natura perverse ratiocina-tus est, quosdam in eis dignitatum gradus constituens. »

(2) Εἰ δὲ ὁς ἔτι μέν τι διέπει τὴν ἀπόρησιν ἡγετού, διό τι φλαστριού τούτου καὶ διαστρεψεις ἀποφέρουσα.

Unus ex defensoribus trium capitulorum = et preinde etiam lau-bratione Theodore-ti contra Cyrrillum, Rusticus diaconus, qui ab avunculo suo Vigilio Pontifice anathemate percusus tandem in schisma in-cidit, verba citata Theodore-ti fortasse intellexit simpliciter velut ne-gationem processionis Spiritus Sancti a Filio. Unde in acri illa con-certatione de « tribus capitaliis » studio partium incensus ipse inter-

hoc ut blasphemum et impium reiiciemus. Credimus enim Domino dicenti: Spiritus qui ex Patre procedit, et sacra-tissimo Paulo dicenti similiter: nos autem..... accepimus Spiritum qui ex Deo est » (Opp. T. IV. p. 718.). Videlicet blasphemum erit, si negetur Spiritus procedere ex Patre,

omnes Latinos unicus a viris doctis putatur dubitasse de processione Spiritus Sancti a Filio (Petav. I. VII. c. 8. n. 7; Lequien Damascen, dis-sert. I. n. 4.). Fator me adhuc non posse, ut haec credamus de latine scriptore eruditissimo quantumvis schismatico saeculi VI. enimusmodi fuit Rusticus discimus Ecclesiae Romanae. Quomodo enim in dissertissima doctrina omnium Patrum et in consensu universalis Ecclesiae praeser-tim latinae illa aetate dicere potuit, sibi de processione ipsa nondum constare? Verba autem Rustici alium sensum non solum patiuntur, sed omnino praeferre videntur. « Quidam antiquorum, inquit, et hoc proprietatibus (personarum) adiecerunt, quia sicut Spiritus cum Patre Filium semperiter non genuit, sic nec procedit Spiritus a Fi-lio, sicut a Patre. Ego vero quia Spiritus quidem Filium non genuit semperiter, confiteor, nec enim duos dicimus Patres; utram vero a Filio eodem modo, quo a Patre, procedat, nondum perfecte habeo satisfactum. Quoniam vero ad id, quod nunc quaeritur, nihil attinet signandum quidam est sed transeundum » Rust. contr. Acephal. (Galland, T. XII. p. 69.) Nellus unquam « antiquorum proprietatibus personarum adiecit, quod Spiritus simpliciter non procedat a Filio, neque id Rusti-cus dicit; sed utique quamplurimi de characteribus personarum ita lo-quuntur, ut de modo processione Rustico poterit nondum perfecte esse satisfactum; utrum scilicet Spiritus eodem modo procedat a Filio, quo a Patre. Dixerant Basilius et Nyssenus, proprietatem esse Filii, quod ipse solus procedit πορνείως, ab una scilicet persona; proprietatem esse Spiritus, quod per Filium effluit ex Patre; item quod Spiritus est a Patre non προσεγκά (proxime) sed per Filium, qui est proxime a pri-mo, et esse ex Patre interposito Filio (προσεγκά τοι πέπον); dixerat Angu-stinus, Spiritus *principaliter* esse ex Patre, licet sit etiam ex Filio; dixerant plures, solus Patrem esse principium primordiale (προσεγκάτην αἵτινα) et fontem Trinitatis; dixerant plerique, Spiritum esse ex Patre per Filium. (De his satie dictum est in superioribus, cf. Petav. I. VII. cc. 6. 11.). Quae quidem omnia non aliud sibi volunt, quam quod sicut natura ita vis spiratrix a Patre communicatur Filio; sieque Spiritus Sanctus non nisi supposita generatione Filii procedit a Patre Filio. Santum tamen sententias illas antiquorum huiusmodi, quae nullum qui-dem dubium relinquebant de processione Spiritus a Filio, sed maiori inquisitione dignae Rustico videri poterant, utrum in iis dicatur Spi-ritus procedere a Filio eodem modo, quo a Patre. »

et si dicatur a Filio aut per Filium creatione habere existentiam, quod utrumque pertinet ad Macedonii malignam culturam. Alibi distinctius ait Theodoretus: secundum execrandos haereticos Spiritus Sanctus ex Deo per Filium creatus est δια του νιου δεδημιουργηται (in Rom. VIII. 11.).

Ita etiam s. Cyrus intellexit Theodoreti calumniam. In apologia enim huius anathematismi scripta contra Theodoretum, in primis quidem insistit dogmati, de quo directe agebatur, quod una hypostasis est Jesus Christus Deus et homo; huius proprius est Spiritus Sanctus, per quem tamquam per suam non per alienam virtutem perficit miracula. Tum vero a) indignabundus reiecit calumniam, quasi ipse unquam putasset *Spiritum Sanctum non consubstantialem Patri et Filio*: nam quod S. Trinitas est consubstantialis, unusque virtutis et operationis, non per vestrum denum sermonem didicimus, sed plenissime edociti sumus ex divinitus inspirata Scriptura. b) Contra alteram calumniam, quasi suspectus ipse esset cum Macedonianis *de negata processione Spiritus Sancti a Patre*, quando dixit in anathematismo Spiritum Sanctum proprium Filii Iesu Christi, respondet: proprius est ipsis (Iesu Christi Filii) Spiritus Sanctus sicut utique etiam Dei ac Patris; operatur enim per Spiritum sicut Pater ita et ipse (Io. X. 32; XIV. 10; Matt. XII. 28)... operationem per Spiritum ad se et ad Patrem referens propter identitatem essentialiae (Mansi T. V. p. 58.). Cyrus igitur in verbis illis Theodoreti: *« Spiritum ex Filio aut per Filium existentiam habere, ut blasphemum reicimus, non aliud intellexit, quam quod sibi strueretur calumnia, quasi cum Macedonianis Spiritum Sanctum dixisset creatum a Filio, atque ita cum iisdem haereticis negasset Spiritum consubstantialem Patri et procedentem ex substantia Patris; non autem verba Theodoreti intellexit ita, quasi is communem omnium Patronum illius et antecedentis aetatis doctrinam de processione Spiritus ex Filio et per Filium dixisset blasphemam.*

Ex his autem nunc obiter fiat iudicium de intolerabili sophismate schismaticorum, qui dicunt, Cyrillum monitu Theodoreti a sententia de processione Spiritus Sancti ex

Filio discessisse. Ut nihil dicam de eo, quod s. Pater in operibus scriptis post calumnias Theodoreti dissertissime profitetur processionem a Patre Filioque (vide Lequien Damascenic. dissert. I. n. 5. 6.); inspicatur sola apologia anathematismi. Dixerat Spiritum Sanctum *proprium Filii*; Theodoretus movet suspicionem, ne forte id dixerit sensu accidente ad Macedonii malignam culturam, quod scilicet Spiritus procedat a solo Filio, et non sit consubstantialis Patri et Filio. Cyrus in apologia reicit primum calumniam negatam consubstantialitatis; tum inter pauca commenta quinques repetit, quod dixerat in anathematismo, Spiritum Sanctum esse *proprium Iesu Christi Filii Dei*; sed ad repellendam suspicionem, quasi putaret illum a solo Filio procedere, addit, *eodem modo esse Spiritum proprium Filii sicut est proprius Patris*. Ubi evidenter supponit, etiam ab adversario illud esse *proprium* intelligi relative dictum ratione processionis. Quod ad abundantiam Cyrus adhuc ipse disserte declaravit. Post apologiam contra Theodoretum scriptam ante Concilium Ephesinum (vid. Garneum in Opp. Marii Mercatoris T. II. p. 132.), in Concilio ipso postulantibus Patribus suos anathematismos exposuit. Iam ibi, quod anath. IX. dixerat, Iesum Christum Filium *Dei per Spiritum Sanctum proprium* divina signa (miracula) patrasse, ita explicat: *« unigenitus Dei Verbum homo factum etiam sic manxit Deus, estque omnia quae Pater, eo solo excepto, quod est esse Patrem; et Spiritum Sanctum qui ex ipso est et ei essentialiter immanet, habens proprium divina signa operabatur* (1). Spiritum itaque, ait Cyrus, *esse proprium Filii, quia ex ipso est processione immanente et communicatione essentialiae*. Id vero inde probat, quod Filius omnia habet communia cum Patre excepta sola formalis ratione paternitatis; est ergo Spiritus Sanctus ex Filio sicut ex Patre, quatenus Patris et Filii una communis est virtus spirandi.

(1) Ανθρωπος γενοντος ὁ μονογενης του θεου λόγος ἀπομενει και οὐτε θεος, πάντα διτοχων δέσι και ὁ πατήρ, διχα μονον είναι πατήρ, και ίδιον το ξένον και οὐσιον διμερος είμερος αύτο πνευμα ἄγνω εἰργάζετο τας διεσπαρτις.

Quamvis vero is, quem ostendimus, videatur esse sensus Theodori et Theodoreti, non ideo negamus modum eorum loquendi hac in re esse obscurum, ex quo appareat, in eorum mente nondum fuisse claram et distinctam notio nem processionis Spiritus Sancti a Filio sicut a Patre, quatenus Pater et Filius unum sunt spiratio. Hic tamen defectus profundioris intelligentiae dogmatis multum differt ab eius explicita negatione, et pro ea aetate, ubi nulla adhuc subtilior polemica inquisitio fuerat necessaria, excusari posset. At simul manifestum est, quantopere hisce hominibus eruditis quidem, sed in aliis certe capitibus ingenio nimis praefidenti a sana doctrina deviis, praestiterint ss. Doctores secura ac limpida fide et explicatione intimorum penetralium mysterii SS. Trinitatis in relatione Spiritus Sancti ad Patrem et Filium, Athanasium, inquam, Basilius, Nyssenus, Epiphanius, Cyrillus, ut nihil dicam de Patribus latiniis, Hilario, Augustino, Leone, Fulgentio et ceteris deinceps.

THEISIS XXXIX.

*De oppositis argumentis Photianorum.*

\* Photiani pro sua doctrina, qua negant Filium cum Patre esse unum principium Spiritus Sancti, nullum omnino habent sive Scripturae sive Traditionis testimonium. Quatenus vero doctrinam penes Patres tam graecos quam latinos universalem eludere conantur, manifestissimum est.

In hac thesi examinamus fundamenta, quibus schismati suum dogma confirmare nituntur, ut in comparatione cum veritate quam hucusque demonstravimus, non solum eorum infirmitas intelligatur, sed ex ipsa omnimoda inanitate et sophistica indeole argumentorum, ad quae se illi recipiunt, doctrinae catholicae lux maior accedat. Duplex ex ipsa rei natura esse debet argumentorum classis; postulantur argumenta, quae possumus dicere alia *positiva* et directa, alia *polemica*. Primo enim eis summum dogma per se et absolute demonstrandum esset in revelatione contentum; deinde demonstrandum esset comparete cum doctrina Ecclesie

siae catholicae, h. e. solvenda eis essent argumenta, quibus doctrinam catholicam ostendimus in universa praedicatione ecclesiastica comprehensam. Revera schismaticorum velitationes ad hunc duplex ordinem revocari possunt. Primum ergo dicimus de argumentis positivis, quibus utuntur vel uti possunt ad demonstrationem sui dogmatis, tum de impugnatione polemica, qua impetu Catholiceorum fundamenta.

I. Doctrina de qua quaeritur, potest spectari dupliciter: a) quod Spiritus Sanctus procedit ex Patre; b) quod procedit ex Patre solo ad exclusionem Filii ita, ut non procedat ex Patre et Filio, quatenus virtute et actu spiratio nis unum sint. De illo priori controversia erat cum Pneumatomachis Arianis et Semiarianis, illudque ex Scripturis, ex definitionibus Conciliorum, ex constanti et universalis doctrina totius antiquitatis christiana, ex intima oeconomia Trinitatis, ut ea in revelatione proponitur, manifestissimum est. Non igitur hac affirmatione, quod Spiritus Sanctus a Patre procedit, continetur doctrina, quam Catholici negent et quae schismaticis defendenda sit velut dogma sibi speciale, quo discrepant a Catholicis; sed doctrina, qua Catholicis opponuntur, et quam suis argumentis contra Catholicos defendere conantur, longe est alia, ea scilicet quae enuntiatur in altero capite, quod Spiritus Sanctus procedat a Patre ita, ut non procedat simul a Filiu. Quandiu ergo solum demonstrant affirmationem, Spiritum Sanctum procedere a Patre, argumenta eorum sunt invicta et omnibus Catholicis communia adversus Pneumatomachos; sed nihil omnino pertinent ad ostendendam veritatem doctrinae, cuius ipsi defensionem contra Catholicos suscepereunt. Eodem fere modo Ariani et Sabelliani demonstrabant evidenter ex Scripturis, unum esse Deum, et Patrem esse hunc unum verum Deum; at non haec affirmatio erat, qua discrepabant a Catholicis, sed demonstrandum fuisse Ariani quidem, Patrem esse unum verum Deum ita, ut Filius non sit idem unus verus Deus; Sabellianis autem, Patrem esse unum verum Deum ita, ut Filius hoc ipso quod natura non distinguitur, neque hypostasi distinguatur a Patre.